

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### বাংলাদেশ সশস্ত্র বাহিনী বিভাগ এবং যুক্তরাষ্ট্র সেনাবাহিনীর প্রশান্ত মহাসাগরীয় বিভাগ দুর্যোগ মোকাবেলা অনুশীলন করবে

ঢাকা, ১৫ই সেপ্টেম্বর – যুক্তরাষ্ট্র সেনাবাহিনীর প্রশান্ত মহাসাগরীয় বিভাগ-এর (ইউএসএআরপিএসি) মাধ্যমে যুক্তরাষ্ট্র সরকার বাংলাদেশ সরকার এবং সশস্ত্র বাহিনী বিভাগ (এএফডি)-এর সাথে যুক্ত হয়ে দুর্যোগ মোকাবেলা অনুশীলন এবং বিনিময় (ডিআরইই) কর্মসূচী ২০১২ অনুষ্ঠান করতে যাচ্ছে। এই অনুশীলনের উদ্দেশ্য হচ্ছে বাংলাদেশে কোনো মারাত্মক ভূমিকম্পের মতো দুর্যোগপূর্ণ ঘটনা মোকাবেলার জন্য উভয় দেশের বিভিন্ন বিভাগকে ভালোভাবে প্রস্তুত করে তোলা। ঢাকাস্থ যুক্তরাষ্ট্র দূতাবাসের সহযোগিতায় আগামী ১৭ থেকে ২০শে সেপ্টেম্বর “ইউএসএআরপিএসি” এবং “এএফডি”-র মধ্যে “ডিআরইই” অনুষ্ঠিত হবে। এই দু’টি বিভাগ ছাড়াও যুক্তরাষ্ট্রের আরো যে সকল বিভাগ এই অনুশীলনে অংশ নেবে সেগুলো হলো -- অরিগন ন্যাশনাল গার্ড, অষ্টাদশ মেডিক্যাল কমান্ড, ট্রিপলার আর্মি মেডিক্যাল সেন্টার, এবং ইউ.এস. আর্মি কোর অব এঞ্জিনিয়ার্স। এই অনুশীলনে অর্থায়ন করছে ‘ইউ.এস. প্যাসিফিক কমান্ড’। ইউ.এস. আর্মি প্যাসিফিক সিভিল-মিলিটারি ডিপার্টমেন্ট এবং ইউ.এস. আর্মি কোর অব এঞ্জিনিয়ার্স এই অনুশীলনে নেতৃত্ব দিচ্ছে।

বাংলাদেশ এবং যুক্তরাষ্ট্র উভয় দেশের স্থানীয় জনগোষ্ঠীর জন্যই “ডিআরইই”-র কর্মসূচী গুরুত্বপূর্ণ কারণ এই অনুশীলনের মাধ্যমে দেখানো হয়ে থাকে দুর্যোগ ঘটনার পূর্বেই তা মোকাবেলা করার জন্য কি ধরনের উদ্যোগ ও প্রচেষ্টা গ্রহণ করা সম্ভব। কোনো দুর্যোগ ঘটনার জন্য অপেক্ষা না করে আগে থেকেই প্রস্তুতি নিয়ে রাখলে প্রতিটি দেশই যে কোনো দুর্যোগপূর্ণ ঘটনায় বয়বতির পরিমাণ হ্রাস করতে পারে। এর ফলে নাগরিকদের প্রাপ্য যে গুরুত্বপূর্ণ জনসেবা তা দেয়ার জন্য দেশগুলো আরো ভালোভাবে প্রস্তুতি গ্রহণ করতে পারবে। আর এই সব প্রস্তুতিমূলক উদ্যোগ, যোগাযোগ, সহযোগিতা, এবং বিভিন্ন বিভাগসমূহের মধ্যে সমন্বয় ছাড়া যে কোনো প্রস্তুতি কার্যক্রমের কার্যকারিতা নাটকীয়ভাবে হ্রাস পাবে, এবং জীবন ও সম্পদের সম্ভাব্য বয়বতির মাত্রাও বৃদ্ধি পাবে।

ঢাকা শহরে যদি কোনো ভূমিকম্প আঘাত হানে তাহলে গণ বয়বতির পরিমাণ কমানোর জন্য মাঠ পর্যায়ের প্রস্তুতির ওপর জোর দেবে “ডিআরইই।” দুর্যোগ ব্যবস্থাপনা এবং ভূমিকম্প-পরবর্তী দুর্যোগ মোকাবেলা প্রস্তুতির ভবিষ্যৎ ধারা কি হওয়া উচিত তার ওপর উপস্থাপনা দিয়ে এই দুর্যোগ মোকাবেলা অনুশীলন শুরু হবে। একই সঙ্গে এই অনুশীলনের মাধ্যমে তুলে ধরা হবে বাংলাদেশে ইতিমধ্যেই কি ধরনের সম্পদ রয়েছে এ ধরনের দুর্যোগে সাড়া দেয়ার জন্য এবং যে কোন বড় ধরনের দুর্যোগ থেকে উদ্ধার পাবার জন্য। পরবর্তীতে কাগজে-কলমে ও আলোচনার মাধ্যমে এবং মাঠ পর্যায়ে এই প্রশির্ষণ অনুষ্ঠিত হবে। এই উভয় অনুশীলন কার্যক্রমের মাধ্যমেই “ইউএসএআরপিএসি” এবং বাংলাদেশ সরকার-এর এই সংক্রান্ত যোগাযোগ, অনুসন্ধান কার্যক্রমের চর্চা এবং উদ্ধারের জন্য গৃহীত পদক্ষেপসমূহ, জটিল পরিস্থিতি সম্পর্কিত ধারণা, এবং যে সব বেত্রে চিকিৎসার প্রয়োজন পড়বে সেগুলো নিয়ে কাজ করবে। “ইউএসএআরপিএসি” এবং “ডিআরইই”-র মধ্যে তৃতীয়বারের মতো এই অনুশীলনটি হতে যাচ্ছে। “ইউএসএআরপিএসি” ও বাংলাদেশ সরকারের মধ্যে মাঠ পর্যায়ে দুর্যোগ মোকাবেলা কার্যক্রম নিয়ে এটি এধরনের প্রথম অনুশীলন।

=====

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে [www.facebook.com/bangladesh.usembassy](http://www.facebook.com/bangladesh.usembassy) চোখ রাখুন।